

安陸府志卷之二十八

流寓列傳

適郊避地隨遇而安山存樵徑水遺釣竿久則棲止暫亦盤桓杖履所到皆成殊觀傳流寓

沈尹莖

沈尹莖孫叔敖相與友叔敖遊於郢三年聲問不知修行不聞沈尹莖謂孫叔敖曰說義以聽方術信行能令人主上至於王下至於霸我不如子也耦世接俗說義調均以適王心子不如我也子何以不歸耕乎吾將爲子游沈尹莖遊於郢五年荆王欲以爲令尹沈尹莖辭曰期思之鄙人有孫叔敖者聖人也王必用之臣不若也荆王於是使人以王輿迎叔敖以爲令尹十二年而莊王霸此尹莖之力也

左伯桃 羊角哀

左伯桃羊角哀戰國燕人二人爲友聞楚王善待士乃同入楚值雨雪糧少伯桃乃併與哀往事楚自餓死於空樹中哀至楚爲上大夫乃言於楚王備禮以葬伯桃於荆門州諸里村

張儀 蘇秦

張儀蘇秦嘗從鬼谷子遊學於青溪山石室即當陽縣之鬼谷洞也

穎容

穎容字子嚴陳國長平人博學善春秋左氏舉孝廉辟公車皆不就初平中避亂荆門聚徒千餘人依劉表辟武陵太守不往著春秋左氏條例五百餘言及雜著詩賦

王粲

安陸府志

卷二十八

二

王粲字仲宣本山陽高平人年十七獻帝詔除黃門侍郎即以西京擾亂不就乃之荊州依劉表善屬文舉筆立就無所改定登當陽縣城樓作賦建安二年卒其誄文有曰遠放荆楚在漳之湄盖寓當陽也

沈約

沈約字休文吳興人爲東陽太守遷侍中建昌侯謚曰隱建置元暢樓賦詩八章及五音引南北郊明堂登歌時號絕唱卒於荆門今城西有沈約墓銘曰時日不利不能歸瑩咸陽

孟浩然

孟浩然襄陽人好節義隱居鹿門山年四十遊京師王維私邀入內署俄而玄宗至浩然匿床下維以實對帝曰朕聞其名而未見也詔出問其詩有不才劄主棄之句帝曰卿不求仕朕未嘗棄卿柰何誣我因放還常往來荆門沮漳間陪張曲江遊玉泉有詩今州南有孟子港

李白

李白蜀之昌明縣人也生於青蓮鄉故號青蓮居士安陸府志 卷二十八 三 讀書於縣南之匡山故子美贈詩云匡山讀書處頭白好歸來蘇許公薦於朝賀知章以謫僊呼之未久還蜀見鄉人司馬相如誇楚七澤遂下荆門娶於許氏故其詩云度遠荆門道來從楚客遊後遭永王璘亂謫夜郎過沔州題郎官湖故其詩云張公多逸興共泛沔城隅至後遇赦歸復至池州終於采石蓋公平生遊歷名勝最多而所卜居曰荆門曰石門曰嵩陽而心獨樂於秋浦則荆門亦其所嘗寄寓云

鄭谷

鄭谷字守愚袁州宜春人七歲能詩光啟三年舉進士授京兆樗縣尉乾寧間以都官郎中退居馬仰山嘗居荆門城南隱於白社故題渚宮亂後作云白社已應無故老清江依舊遶孤城其詠鷓鴣尤工世號鄭鷓鴣乾寧中卒有雲臺編宜陽集各三卷國風正註一本行於世

唐介

唐介字子方江陵人嘗寓當陽讀書漳水上登天聖八年進士知夔州奉節縣有政績入爲殿中侍御史安陸府志

卷二十八 四

論文彥博燈籠錦事貶英州別駕獨不買珠受知仁宗彥博薦於神宗拜叅知政事與王安石榻前論事不屈疽發背死謚質肅子淑問義間孫恕皆有名

程鉅夫

程鉅夫名文海其先自徽州徙京山後官江南湖北道廉訪使至官首治行省平章家奴之爲民害者上下肅然以病乞骸歸

何叅

何叅彝陵人博學孝義不求聞達隱居當陽稱處士

云

孫何

孫何汝陽人宋初侍父鏞知荆門軍與弟僅結廬於東山之麓讀書登淳化壬辰狀元通判峽州遷右司諫真宗數訪以邊事景德初知制誥所著有駁史四十餘篇文集四十卷弟僅性端慤篤於學登咸平戊戌狀元累官集賢院學士知開封府後領審刑院進給事中弟侑亦登進士官至殿中丞

胡安國

安陸府志

卷二十八

五

胡安國武陵人父淵寓蹟荆湖間至安國爲蔡□□
扼退居當陽之漳濱後仕至寶文閣直學士卒一□
定葬當陽龍泉山三子寅寧宏皆貫荆門以德□□
稱

侯仲良

侯仲良河南人寓當陽顏其居曰時習良二程之甥
師事程灝朱晦菴嘗稱其學清白勁直

呂大防

呂大防藍田人元祐初爲尚書左僕射與范純仁同

心輔政宣仁太后崩出知永興軍未幾有論其隳壞
役法貶秘書監居郢州監酒稅哲宗問其兄大忠曰
大防安否爲朕寄聲問之二三年可復相見也

范彥暉

范彥暉紹興間爲太府寺丞作久陰詩云何當日月
朗痛洗蒼生病秦檜指爲謗訕諷言者責貶居荆門

張耒

張耒字文潛以右史謫居景陵嘗創鴻軒一所後起
倅黃州有望復州鴻軒詩

安陸府志

卷二十八

六

張伯常

張伯常河南人隱而不仕移居郢州司馬光曾鞏范
純仁俱有詩寄贈

李褒

李褒開封人朝散郎自襄陽僉幕致政居郢荆草堂
與黃薰諸公遊日娛詩酒墓在應通廟東

黃薰

黃薰建寧人宣德郎致仕居郢與李褒皆有篇詠

姚燧

姚燧字端甫姚樞從子翰林學士承旨以文章知名致仕居潛江築藏書樓日讀書其中有白鶴巢於上遂以名樓卒塋城南謚文元

趙吉甫

趙吉甫其先居蜀徙居玉沙與許衡友善自號拙存以文學名

徐嗣善

徐嗣善邵陽人嘗輯讀易指南以啟後學尤工詩文善草書宣德中以嗣經舉本學訓導楊文貞薦知□安陸府志

卷二十八

七

王越

王越字世昌濬縣人由進士累遷兵部尚書以軍功封威寧伯革爵調戍安陸六年餘山川景物題詠頗多晚年起爲左都御史總制陝西邊務卒

浦良能

浦良能無錫人沉静寡言以父戍安陸請於上官來代父役至郢拜父母畢出則戎服聽令唯謹入則烏巾采衣弄雛膝下以樂父母忘其身之謫戍也

錢朝陽

錢朝陽浙江人號老樵寓沔陽優於問學有詩集官饒州知府子塘幼稱神童仕給事中

潘子安

潘子安和州人寓沔陽工詩詞有海天清嘯集官夔州府同知

吳欽

吳欽仁和人舉進士歷刑部郎中訊獄多所滄雪嘗奉勅賑饑慶陽全活甚衆後遷湖廣副使督理屯田

安陸府志

卷二十八

八

沔
奪豪右侵地增賦十萬尋以病解職貧不能歸家於沔

孔克學

孔克學至聖三十五代孫元末授荊州學正寓沔潛間工詩文有集傳世

論曰自首丘之言出人皆繫戀親戚墳壟不肯輕去其鄉常多寂寂牖下矣按諸公所以流寓者或因宦而遷徙或避地而投安或卜其形勝或愛其風土或尋師久客或訪友頻來人傳往事地留遺蹟踐履而

山川增價釣遊而雲烟借色較彼不出鄉閭寂寂牖
下者當有間矣